

Blagoslov kuća se obavljao isto na Drobne dece dan, to ti je sve onda bilo. Onda je išel župnik i celo selo je obišel. Bila je meša po jedanaest ur isto tu i onda je opet produžil dalje blagoslov kuće. Delil nam je sličice, kalendare, napisal je kredom na vratima GMB i leto.

Za Novo leto ni bilo baš nekaj.

Za Tri krala mi smo išli samo v vukovinu popoldan k meši. Prije Tri kral išli smo po svetu blagoslovljenu vodu i onda smo doma ž njom svetili dvorišće, hiže - sve smo svetili.”

## **Karneval**

Nada Kos (1939., Mraclin): “Odmah posle Tri krala su svaku večer mačkare hodile po kućama, samo v subotu nisu išli jer se v subotu žene češu i glove peru i kuplu. Negda se i kruh pekel v subotu, i dvorišće i put su se meli v subotu. Znaš kaj, ja sam tak često znala navečer iti kroz selo, a to sve čisto bilo, a nekaj tak fino miriše, to se u krušnoj peći peko kuruzni kruh za cijeli tjedan.

Oni su ti znali navečer iti k'o prošencije, jeni došli, drugi otišli. Mačkare nisu nič tražili, kak su jurjaši tražili darove.

De su bile dekle, tu su oni obavezno išli. I tak su oni išli skroz do fašejnka, a na fašejnek je zmiraj bila zabava vu vatrogasnomu domu v tork prije Pepelnice. I onda su na plugeh dovezli fašejneka na zabavu, to ti je ta lutka kaj se napravi. Fašejneka su postavili na binu pa je on tam sedel i čekal celu večer. Oni kaj su si malo više popili su ti fašejneka pelali čez selo i su delali bedaka z njega, znali su oni dojt i skroz do vlaka. I onda su ga na Pepelnicu spalili i to su sve v sredu pospravili.

A sad su to premaknuli na tork jer je v sredu već Pepelnica i začne se korizmeni post.”